

續安邱新志卷十八

文苑傳

宣文字成章成化甲午舉人積學工文章家貧授徒知名之士多出其門後為順義知縣有政聲清操尤著卒於官幾不能殮其弟子邑人韓相等醵資為之經紀始克返葬

劉如松字茂貞希龍子好學工詩詞嘉靖庚子舉於鄉歷任柏鄉大興廣德知縣著有鸚鵡西堂印秀鳴皋諸集行世

馬雲龍字震潛懋孫萬曆庚子副榜少承家學倜儻負氣才名籍甚累不得志於有司謁選為光祿寺署丞旋棄官歸性慷慨嘗以事攜五十金如郡城遇故人子段某告以親喪未舉即傾囊贈之

傳

續安邱新志卷十八

一

有負債不能償者焚其券又捐田置義塚五所中年後怡情詩酒放懷山水間著述甚富兵燹後散佚略盡所存者燕臺小吟吳越雜詠遊山紀勝各一卷及歌行數篇而已

曹復植字雲將應項孫廩生性孝友沈毅寡言成童補府學弟子員聲名藉甚與益都孫廷銓淄川高珩相頡頏家多藏書莫不通究尤留心經世之學好論古今利害成敗崇禎壬午避兵遇害於安東衛弟復彬歲貢生亦有學行

韓泳字文潛應奎從孫生員長身偉幹倜儻不羣明崇禎末所在盜起王瞳賊魁陳丙將悉銳攻安邱泳從數騎直抵其巢為陳順逆禍福辭氣慷慨丙悚聽愧服即日罷兵少從邑人王所諮遊王

故精於醫泳從受痘疹心法得其三昧人皆以醫聖目之善學稟書工詩著有西齋雜詠西游小草卒年八十餘濰縣韓夢周表其墓

馬爍字蔭千長淑子少承家學文詞贍麗弱冠舉乾隆戊午鄉試歷任崑山元和知縣署太湖同知所至以廉幹聞因親老乞歸養不復出著有光霽堂文藁崑山縣志

吳荆玉字湘瑤乾隆乙酉舉人好學篤內行晚年選馬平知縣有政簡刑清之譽荆玉自視欲然臨終猶戒其子勿乞銘云著有修竹堂詩藁

王蔚青字化雨天相孫乾隆戊子副榜好讀書博覽經史故其文

傳

續安邱新志卷十八

二

多奇橫尤好為詩應順天試報罷出遊塞上歸益困而其文益肆生平尚氣節好調人急義所不可雖賁育不能強也少時應試郡城同人戲閉一室使妓暱就之終不亂時論重之著有節園詩文藁志道編各二卷

王紉字蘭谷乾隆壬子順天副榜少有雋才博通羣籍尤深於易鄉試屢薦未售後由國子監肄業期滿授福山教諭諸生從受經者數十百人著有周易集解八卷

李曰綸字季友濬子少承家學由乾隆甲申舉人授即墨教諭教士先行誼有楊生方祝者以訟累待質於學其母柩自京師歸求往迎同僚不可曰綸曰焉有母柩在道而子不得迎者乎促之去

一縣稱為真學師

孫汝津字鷺亭生員幼耽吟詠秋闈屢薦不售遂決然捨去肆力於詩與邑人辛江峯宜岷相唱和詩格與韋孟為近大為德州盧雅雨見曾所稱許著有溪上草堂詩集以上補遺

孫訥字仲言嘉慶甲子舉人大挑分發四川母老請終養閱十年始起歷洪雅彰明羅江興文知縣勤於吏事能得民心乞休未歸卒於成都囊橐蕭然幾無以歸喪時論賢之生平工詩論者稱為詩家俊品又工書得漢人隸法著有寫月軒詩四卷漢隸筆法一卷摹印述聞二卷宗法考五卷家乘義例一卷劍南雜記四卷續古詩聲調譜一卷

傳

續安邱新志卷十八

三

張柏恆字雪航德紀仲子嘉慶戊辰舉人性孝友少承家學工詩古文辭遇忠孝節義事每力為表章邑有急難解紛息爭皆取決於一言尤喜獎掖後進選金鄉訓導修學宮復書院進諸生勉以文行士皆蒸蒸向風焉晚遷高唐學正不赴著式訓集書航集金鄉鄉賢傳耳夢續錄增訂安邱新志各若干卷弟檜恆字雲臺生員曠達多高致工篆刻著有學印草一卷檜恆弟栝恆字雪舫生員早卒有荆門遺藁柏恆子鶴翻字翼賢生員學行純篤恪守家法素精醫理輒奏奇效云

王志超字立千幼失恃事繼母郝以孝聞郝嘗遘危疾志超冒嚴寒徒涉延醫膚盡裂不顧也俄而疾愈人咸以為孝感天姿絕敏

過目不忘其為文踔厲風發千言立就邑宰謝蓮湖保霽學使者  
阮雲臺元劉金門鳳誥皆奇賞之嘉慶甲子舉於鄉兩赴春官不  
第遂不復與計偕設帳授徒絕意仕進惟以吟詠自娛著有松亭  
詩草

張善恆字聖基德綱子生員孝友謹飭少有文譽工詩早卒著有  
學吟唱和草容膝蝸居吟歷下記游詩西湖卧游集各二卷菊夢  
廬詩鈔四卷

曹錫田字建福贊善子性孤介篤學好古不諧世俗嘉慶丁丑成  
進士授巴東知縣縣瀕巴江新令授事各船埠例有陋費盡革之  
勤恤民隱慮投牒者或有壅過於附近沱渚間連桴設幕就以決

傳

續安邱新志卷十八

四

獄號帆下琴舫每夜深吏散月明擊棹悠然恬吟與短笛漁歌相  
應答宦情甚淡甫數月移權興山遂乞歸囊篋蕭然既歸杜門不  
與外接惟以吟誦自怡著有琴舫文集隨分堂詩藁

王壽先字福初歲貢生幼而嗜讀早著才名弱冠後博極羣書諸  
經子史通貫靡遺詩古文詞亦兼擅其勝從之遊者常數十百人  
生平言行必衷諸古年逾七十猶好學不倦一邑奉為山斗焉沒  
後始選沂水訓導著有遠山堂詩草一卷

趙光烈字雪坡天才亮拔文章敏贍熟於左國史漢及唐宋諸大  
家所為時文亦以古文之法行之每脫藁即傳誦一時嘉慶庚辰  
成進士授刑部主事文名藉甚未幾卒於京師所著遂多散佚識

者惜之子璧字浦亭咸豐辛亥舉人亦以文行著  
高印光字月川道光壬午舉人學問淵博經術湛深並致力於詩  
古文詞不沾沾於舉業屢試禮闈數奇不偶而其門者乃多得  
雋以去一時推為大師焉

劉文翊字雲莊廷榮從子道光己亥舉人性情醇篤經術淹通以  
大挑知縣改就陽穀教諭教士以禮其不能具束貲者皆免之士  
論翕然丁母憂歸家貧授徒肫懇不倦成就後學甚衆

張堃字文川堂弟少從兄讀奮志力學道光甲辰成進士改庶吉  
士以母壬午高乞歸侍養閱十餘年母終服闋遂不復出事兄甚  
謹終身怡怡人無間言兄歿撫諸從子如己子授徒講學知名之

傳

續安邱新志卷十八

五

士多出其門尤好為德於鄉咸豐辛酉捻寇再至倡衆繕城垣置  
守械籌畫精審備協機宜鄉人賴之子錫籟字荆南增貢生議欲  
訓導為人倜儻饒智略邑中興舉多倚辦焉

曹尊彝原名純一字醴堂煇吉元孫少穎異讀書過目不忘為文  
力追先進厭時俗章句之學道光甲辰成進士授刑部主事治獄  
矜慎退食之暇益肆力於詩古文詞尤喜獎掖後進經其指授者  
多知名於時欽州知府李汝楫監察御史蘇仲山兩廣總督英翰  
其尤著者居恆以邑志為己任徵文考獻網羅放失以俟續修年  
僅逾壯卒於京師論者惜之著有愛思樓古文一卷古近體詩六  
卷詩餘雜說各一卷

王景運字硯泉家貧力學以筆代耕於書無所不讀尤好爾雅及左氏傳為文必宗經史士林多傳誦之道光甲辰舉於鄉以大挑教職歷署招遠壽張萊陽蘭山霑化諸縣學晚授蒲臺教諭所至勤訓迪維風化遊士之才者教之貧者助之文風以振生平好學至老不倦設教於鄉邑間者垂二十年司鐸於州郡者幾四十年所成就者不可屈指數巡撫張勳果特疏保薦賞五品銜後乞歸卒於家

張毓蘭字湘南幼而端敏從父受書十歲通五經值歲儉家貧父命作苦田間得閒仍習舊業越數年父歿家益窘衆議輟讀而耕母曹弗許仍命負笈從師攻苦益力逾冠後入邑庠旋登道光丙

傳

續安邱新志卷十八

六

午賢書公車報罷授徒里中藉脩脯以供菽水諸兄弟貧不自給者每節縮己有以分潤之族黨稱孝友焉以大挑授平陰訓導兼主雲門書院教士以品行為先文藝次之口講指畫昕夕無間諸生莫不自慶得師丁內艱歸仍以成就後學為務服闋補禹城訓導教士之規一如在平陰時性嗜酒醉後言愈謹色愈莊生平未嘗有酒失其所養可知己著有炳燭編十卷弟毓莫字瑞廷好學工文章尤精書法由拔貢中副車領光緒乙酉順天鄉薦考取官學教習期滿以知縣候銓卒於都門人皆惜之

劉奉詔字雁升道光丙午舉人篤於內行父卒哀毀過禮母晚年病目刻不離側家雖貧而甘旨必備居鄉好周人急教人以躬行

為先談經講學程未而外屏弗道也晚遊燕京出其門者多顯達而介然自持未嘗有所請託論者重其學尤重其品云

曹鑑字瀛海玉田子恩貢生援例為內閣中書承家學工詩古文詞制行端嚴士林重之著有官梅閣詩集字辨象佩印存

孫垣霽字雲浦幼嗜讀書弱冠已有聲黌序由咸豐壬子副榜官陽穀教諭履任後見學宮頽敝乃倡捐修葺輪奐一新邑舊無書院垣霽商之邑宰倡眾興建為延名師諸生貧者捐俸以助膏火文風振起因襄辦河工奏獎以知縣用後以年老乞歸猶手不釋卷鄉鄰子弟貧不能學者輒助以資人多感之

王成憲字監亭咸豐戊午副貢性嗜學工詩通易理尤精制藝教

傳

續安邱新志卷十八

七

授生徒循循善誘經其指授者多知名於時著有課梅軒文集大學詳解

韓鳳舉字小塘廩貢生祖佩玉舉人父允升拔貢兩代均以文學為鄉祭酒鳳舉淵源家學未弱冠已有聲黌序間為文不事藻績一意秀削以是不得志於有司中年後喜吟詠工古文詞兼善書畫然不輕為人作得者珍焉性孤介嫉俗若仇平生不肉食而雅嗜酒酒酣以往賦詩論文跌宕自喜家無儋石儲不之恤而寒士問字者每卻脩金伙助之著有迂愚子文草蕉園詩集

李侗字子愿生員善事繼母友愛兩弟人無間言幼入塾敏慧異常年甫成童七經三傳皆成誦長而無書不讀凡天文地理醫卜

星命靡不博通而尤深於經學著有春秋經傳述杜紀統辨異百餘卷

于麟閣字子霍恩貢生少英銳積學工文鄉試累薦不遇後遂棄帖括肆力於詩著有秋蛩吟集藏於家

張承烈字揚廷少失怙恃與兄相友愛兄歿遺嫂王一子尚幼有先人遺田數畝悉推與之不足仍以時周卹之晝訓生徒夜則下帷攻苦光緒乙亥舉於鄉屢上春官不第晚年退居講授遠近人士相率受業於門掇巍科以去者前後相望焉

王運昌字燮臣恩貢生幼穎悟而性沈靜初入塾即巖然異於常兒及長韋精經史文必以清真雅正為宗試輒高等而秋闈累薦傳

續安邱新志卷十八

八

不售既貢太學遂絕意進取教授鄉里間其行誼文章皆足為後學楷式遠近從游士不下數十百人無弗恪守法度者其事親先意承志友愛諸弟而教督不少貸一門之內怡怡如也處世謙和與人無忤鄰暴徒某嘗非意陵侮咄咄相逼但婉謝而已終不與較其後某愧悔向善人以為有王彥方化盜之風焉

王敬字尚文父椿齡字壽千生員少孤事母至孝績學敦行教授鄉里間莫不推為良師敬秉庭訓博聞強記早著文名經術淹通尤熟史事光緒丙子成進士授戶部主事性坦率不事營逐閭相國文介長戶部時優遇之亦未嘗稍事攀附也循資保送直隸州知州需次安徽任真如故操委辦涇縣釐局商旅皆稱其不苛以



內艱歸服闋尋卒著有客遊吟草還山集倦餘錄各一卷弟歟字典文己丑進士官刑部主事亦有文名

王鶴字松亭幼而嗜學敏於文詞工詩善賦馳譽名場同治癸酉舉鄉試以大挑官濮州學正出所學以為教濮人士翕然宗之弟鶚字薦亭恩貢生少家貧苦志力學文名與兄相埒內行夔篤宗黨文稱

鄒墨池字蓮渠歲貢生候選訓導少勤學而家甚貧日常枵腹同學或饋之食謝曰讀書則不飢無庸也強之受必歸獻其親及長學益篤文益有名而秋闈輒絀性和厚授徒鄉邑間循循誘掖每以生平甘苦閱歷語激勵後學故多成就咸同間因捻匪屢擾嘗

傳

續安邱新志卷十八

九

采戚南塘練兵實紀等書輯有鄉堡守禦說二卷晚年遊幕廣東著有粵遊日記又善鐵筆得者珍之

李政鐸字木菴隱居南澗之濱好花石重師友尤嗜吟詠與同儕結詩社著有木菴詩藁

張文翰字西園光緒庚寅進士幼聰慧有膽識咸豐辛酉仲父映箕禦賊殉難不得其屍文翰時十餘歲輒號泣奔尋為賊所擄略無懼色旋乘間自脫卒得遺骸以歸既釋褐以知縣需次湖北介然自守不事干謁歷充黃石港溶口安陸釐差未嘗以脂膏自潤以積勞卒身後蕭然聞者悲之著有望鶴軒詩集二卷

王師曾字省三藻曾孫幼敏慧甫成童即擅文譽族父範奇賞之

領光緒己卯鄉薦五上春官不售設帳授徒成就者甚衆性孝友與諸弟析著時以己所應得之田分子之族黨貧者亦多賴其賑恤後以截取知縣分陝西上官重其學行特加青目未及拔擢遽以疾卒人皆惜之

傳

續安邱新志卷十八

十